

嘉慶直隸太倉州志

直隸太倉州志卷三十二

人物

孝義一

太倉州

漢

卞崇桓帝時吳郡守爲法吏所枉下廷尉崇與郡人錢讓詣闕稱寃廷尉囚崇讓以兵圍守之不爲屈聲枉彌厲帝赦罔罪

宋

龔明之字熙仲祖母李氏少夢神與年七十有七及期果病革明之夜禱天請以己五齡益祖母灼香頂上香

七炷爆有聲不爲動明旦祖母愈又五年乃卒以諸生貢至汴京迎父母母並弟繼歿明之取其家自一錢直皆析買護二喪歸先世墓在蘇州西山族人分斬其木明之不能制伏墓號慟紹興二十年鄉貢年已六十或勸慝其年爲仕宦地不應書其實後以特恩廷試授高州文學年逾八十法不應官吳士列奏行義敕監潭州南嶽廟淳熙五年乞致仕鄉人林振等舉明之議論操履衆所師法先是慶壽赦文有節孝著實許長吏保明表錄時參政錢良臣謂明之無吏考難之吳仁傑曰龔君至行動上帝豈不能動人主因具言其事果得旨超授宣教郎致仕仍賜緋衣銀魚明之生平不摘人短不

作貌言每自謂受用一誠字嘗取黃山谷語附益之號  
五林居士子晃昱昱見文學

〔元〕

何敬德上海人居太倉事張瑄行舶司筦鑰贏不以私  
恒勸瑄父子毋嗜進步厚藏不戒將速禍瑄不能用棄  
去時同輩皆佩金虎符意氣自得敬德布蔬積貲惟濟  
貧者杭州大饑卽佛寺煮糜者半年掩骼數萬財盡而  
卒

吳貴字和卿淮西安豐人以忠武校尉宜興管軍上百  
戶因居太倉性剛直抑強扶弱好義出于天性至順二  
年歲大荒疫遺棄滿道浮屍塞河貴悉收錄存養且捐

貲募人撈撻屍數千軀就西關外葬之貴旣辭官年高強健人謂陰德報

秦玉字德卿八歲喪父卽好覽記長精經學深于詩開講教子弟不求仕進事母與兄有天性母病累旬不解帶母卒哀泣見血食淡不沐浴者終其喪隣失火屋比及玉伏棺而號火遽滅至正四年卒年五十三門人私謚孝友子約見列傳

〔明〕

殷奎字孝伯一字孝章其先自華亭來爲人端厚靜謐受易于盛德瑞受春秋于楊維禎刻意古學造次循禮義浙東僉憲字木曾昱重其名舉教官以養母辭至正

十六年州治復崑山有司請訓導儒學于養母便乃應命比謁廟正曾子配享位凡建白繫名教所進子弟皆有師法洪武四年薦試吏部高等司選者擬授郡縣又以老母辭忤意調咸陽咸陽罹兵學久廢奎至尙廉隅立條訓士相率知教在咸陽四年日夜念母道遠不克養以憂卒年四十六門人私謚文懿祀鄉賢祠奎文章有本末勤纂述尤深性理第二璧字孝連箕字孝揚俱貢生性孝友奎卒于官璧謂箕曰母老弟宜在膝下我往迎兄柩于是越數千里護其兄柩歸後箕舉秀才試廣西僉事終太平推官以廉謹稱

錢瓊字孟玉倜儻任俠洪武閒有勾軍千戶橫莫抗瓊

繫之面訴太祖應對稱旨千戶伏誅賜衣鈔還

陸安天資純篤父德甫好客客坐事辭連德甫洪武初  
法嚴有司案德甫棄市安與兄訣抵京大書代父典刑  
字于布袍伏闕哀請許之臨刑從容就刃觀者泣下時  
年二十一洪武二十七年九月也妻鍾氏見列女傳

陳元吉雙鳳人洪武間父罪當辟元吉同父之京伏闕

請代得請賦詩就刑

附詩父母恩同日月高試將一死報劬勞三杯白酒釀于醞七尺青

絲利似刀風送斷魂歸故里月移枯骨葬荒郊遙知骨肉偏憐我淚洒西風泥布袍

陳蒙字允德博學攻詩賦本好功名絕不苟進嘗以千  
金授僕名太平者貿易太平捐貲結納隨靖難有功授  
山西行都司高山衛指揮使太平卒無嗣移檄取蒙襲

爵蒙曰無功而祿是欺君也非分而顯是欺已也吾豈  
爲三品官陷不義屢檄辭益堅士大夫高其節

張炯字鑑翁家饒親黨賴其周濟靡不盡力以義子洪  
貴贈修撰

徐任字惟用父彥輝宣德中歿京師任扶觀還晝夜號  
泣繼以血母楊氏疾每夜稽顙北辰求代疾加割左股  
三次作糜進母遂瘳

俞敬字用禮幼孤爲張氏養子視敬頗虐張母孫待之  
有恩後孫邁危疾敬刺左脇割肝和藥進遂愈事聞旌  
門擢南京尙寶司丞洪熙改元陞少卿正統六年陞卿

卒按張采志云洪武初萬世登庸標準著令卧冰割股  
不在旌表例敬且以得官又初以張氏孝子名旌復



俞姓晉卿貳贈本生父得  
如其官事有抵牾至此者

瞿興嗣字華卿沙溪人母患癰夏月潰興嗣躬洗滌執  
扇祛蚊蚋晝繼以夜旣罹氣疾百方不治興嗣剖股肉  
作羹進母不食已五日啖之疾愈母又思芟時芟始花  
興嗣尋求凡種芟處輒解衣入得三芟人謂精誠所感  
有王氏貧卧疾雞初鳴興嗣投錢于其門隙弗令知也  
一糴者衣鶉結興嗣受直佯忘數倍與之歲大歉相依  
數十人興嗣擇旁舍與居會瘍作病者相枕籍興嗣每  
晨躬攜粥藥撫視多賴以全嘗朝出道拾遺囊俟歸主  
者還之一勢家奴失主物懼欲自盡嗣興代之償謝曰  
微命公所賜也

瞿通甫兄弟同居相友愛凡五世知州李端奏旌其門  
王烝字文簠景泰間江南饑巡撫周忱勸民納粟備賑  
烝出米五百斛全活無算朝命賜冠帶辭不受

瞿依京年十八讓貲于兄代父應徭役有大義知州及  
鄉老必採其言好善傾身倡率不辭勞費

曹珣字季珩性誠篤白奉儉約出八公平常周里黨貧  
乏人多德之

劉倣字以則父檄以資長于鄉周忱理江南財稅思用  
幹略士因召之忱每寓鶴山書院檄入見不通謁忱卧  
榻上與語如家人時檄老倣任父事邑有水旱災輒陳  
官多見從人以困累告無不振給者邑陳生故金州學

正廷佩子投詩倣得句喜極贈米百石金山寺災僧求  
忱忱命爲齋曰得劉檄至事集矣檄使倣徃以數百石  
書于疏衆皆從之倣亦能詩楊維禎高啟諸人遺集皆  
爲梓行

周濟字以舟事親孝與弟渙友愛爲後生表率

毛弼字維忠先世自河南來仕崑山遂著籍弼素習儒  
業通經義人稱北巷毛夫子孝友謹慎嘗獨居有鄰婦  
奔之正色叱去家貧遺田悉以讓兄年九十孫澄登第  
益謙謹躋百歲廵撫彭澤爲建人瑞坊卒贈資政大夫  
禮部尙書

毛鳳字應韶惇朴嗜學五十年衡門塊坐爲鄉閭師年

八十餘人稱耆舊

王佐字翼之歲貢生授武學訓導性行端恪儀望有尺度與人和易人親之無閒年八十七卒

陸昊字拙庵貢生成化八年兄景官刑部奉母赴都就養遇例錫禮部冠帶榮身昊事親孝篤友愛治家餘閒適情翰墨常戒子曰吾祖宗以清白相遺積財適爲累耳當積善以爲裕後計卒年六十一

劉峴字隱之父以緡雲令丁艱遭疾峴躬進湯藥衣不解帶嘗糞以驗疾旣沒哀毀每旦必拜祠下處兄弟友恭從子瑁受誣當刑援救得免

顧敏功字起凡以例仕廣西貴縣丞弟敏志卒于武隆

官邸樞滯荊州敏功年老欲往迎家人止之敏功不可  
泣曰吾兄弟五人總先人一塊肉耳忍令其骸棄千里  
外乎就道抵荊而卒荊州太守義之撥舟護兩樞歸

顧敏學字宇凡以例仕寧州判官有弟敏義遠出敏學

勸之歸曰爾無業耶吾有薄田可分爾無居耶吾爲築

室敏義賴以成家

案敏功傳舊有兄弟五人之語是敏學敏義必皆其兄弟然次序無考姑

附于此

王謹字廷慎嘗割肉以療母疾事兄廷節極恭知州李  
某舉鄉飲賓著西溪詩集子賓麗水訓導

呂潤明字文奕幼孤母年老每日親奉飲食夜視卧具  
候熟睡始出冬則同宿母起溺必手抱不托女婢喪哀

幾滅性

龔俊字仲俊家貧口伺屠封肉至腴美處則市歸奉父母兄信暴甚慢罵輒終日夜俊無一言忤信歿撫其孤成立

曾彪本姓呂字希賈篤孝友好善行義七浦濶爲橋費重知州劉重選以東南尙宜一橋欲衆成之彪慨然獨任并造南北支流二橋人德之號爲三橋知州表其閭曰最善之門舉鄉飲賓以子道犧贈中書舍人

李杲字炳之少與李鉞毛澄善號七友形于圖畫都御史彭某紀其事杲事兄惟慎受徒嫂苦供具煩杲引咎無忤色與其兄益親

陸欽本梓人子淳篤有孝行未冠遭父喪卽斷酒惟食粗淡負土築墳指爪盡落母病刲股三病尋愈旣母死家益窘爲人客販有幼妹寄育姻黨姻黨無賴賣之娼欽歸知妹所撫膺慟訟于御史請贖已判允矣而欽暴死獄中衆莫不憐之

王瑄事母孝母早嫠瑄述母苦節得旌母喪旣葬結廬墓側大風雨不移晝有故出夕還跪墓前曰瑄來矣

金祺字宗德履孫父蚤世奉母孝謹弟祐甫冠游太學祺隨京師任資斧祐得專業爲才官同居六十餘年無隙語吳寬毛澄咸稱之卒年八十一

張俸字朝恩幼貧不能具修脯遇經生輒挾策問人憐

之年十六爲童子師授書夜分不倦以名師稱得尺布  
斗粟必奉父母自以不能甘旨每宴會遇廣饌嗚咽不  
下箸父母病革侍湯藥衣不解帶及歿俸已盡哭泣如  
嬰兒歲時嘗祭輒泣泣撫二弟營衣食推予遺產徭役  
悉自任數日不見卽如失俸歿其季爲行三年喪提學  
御史耿定向旌其門兵備道蔡國熙題墓曰孝友先生  
周勉字元學好讀書多隱德置產恒三畝其值嘗自署  
其門曰一田三價買六子百年耕欲置義田宅不果歿  
後子世在踵行之累贈通議大夫雲南布政司左布政  
鄭餘慶字惟元在沙溪之陽買地數畝爲義塚以便窮  
民葬埋



凌昆字文紹幼工文患痰疾棄舉子業獨喜爲詩陸完  
廷誨諸孫欲官之謝不受及完以黨錢寧被逮客皆散  
匿昆獨變姓名周旋艱險事定乃去子汝志雲翼竝登  
進士汝志卒雲翼將請終養昆郵書責之曰方今寇盜  
充斥爲人臣而避難不忠卽不孝也封工部主事贈兵  
部尙書鄉人尊其德稱石林先生裔孫士鏞字南聲國  
子監生性孝友制行治家悉稟小學家禮周卹族黨一  
時推重

王在復年二十一從父讀書城外倭寇八犯父子奔入  
城父體肥不能速行中道相失在復走二里許展轉尋  
父聞父被執急趨賊所叩頭求免賊不聽拔刃擬其父

在復以身敝之賊怒并殺之兩手墜地而手猶抱父不  
釋時嘉靖三十三年五月後請于朝得旌勒石紀其事  
年久墓地漫滅不可識別碑亦沈埋土中近時得斷碑  
於城北寺旁後裔始圖修復知州康基田審定界址題  
其墓曰前明王孝子之墓

李鳳毛字起元本姓毛歲貢仕至通判父歿時同兩弟  
已析產父有婢妊鳳毛請母持護旣生弟遇躬教誨爲  
諸生已并兩弟產四析獨爲營宅完娶遇每述之感泣  
沈志仁字景範州學生父尙友充松潘總兵播囚反諸  
軍會援尙友已得旨罷歸代者失陷督府坐尙友逗留  
逮部論斬志仁跣足隨父獄號泣遇冠者輒叩頭訴秋

盡論報詣廷尉乞上父寃狀廷尉辭乃手血疏擊登聞鼓疏上之忽有旨下刑部釋尙友志仁卒奉其父以歸金瓚有兄貧鄰家失火瓚升屋顙天願焚吾廬無及兄須臾風轉火滅行田間見一婦人來岸仄瓚亟趨泥淖中襍盡汗舉鄉飲酒年九十餘而終

曹繩武字昭復隆慶四年舉人入都會試下第盡以行囊畀友朋之謁選及歸者里人顧成忠卒于都爲治殮護輓歸賻贈悉封付其家又爲葬其祖父同學周某故教其子力學成名毛某妻守節爲建坊其好義類如此曹大憲字章甫與弟陽和同爲諸生陽和卒值同學生以鼓譟事當議罪思卽陽和以自脫大憲奮然曰豈可

以吾弟死令蒙不遽名出爭之事得白

周大賓字敬思父詒爲名醫大賓世其業好善行義中年喪偶不娶萬歷時舉鄉賓子易副貢生

陸端御字履威萬歷七年選貢廷試第一需次知縣子文麟字孟祥文鳳字仲鳴俱孝友篤行工詩文隸書文麟以四十三年歲貢入都旅卒而文鳳以四十四年歲貢廷試亦第一受知于莆田曾楚卿曰仲鳴文久在吾頃頗聞不知其尙爾諸生也

張翼之字爾謨性長厚喜施萬歷間吳中大祲翼之具糜于衙不繼則減糶嘗脫富人許某于死贖鄰人朱某于奴事其兄輔之甚謹課子十人皆成名溥泳王治俱

有傳

陶銘字汝陶萬歷三十七年貢生授宜興訓導遷建德教諭轉杭州教授遂不赴性至孝舉動方嚴喪葬享祀一循家禮居鄉執經者滿戶一以躬行爲訓不尚詞章嘗謂其子曰汝父無他長惟不談人過不遂已非不輕言不妄謁衣謝文綺食不厭藜藿大暑不廢衣冠洎寒不戀衾枕財無苟得色無邪贊而已卒年八十有五子鴻祚見隱逸傳

張鳳翼字伯鳴幼奇慧補庠生教授不以章句事親孝服勤至死有孺子色與弟友愛終身不析產太嘉兩邑膏議浚鹽鐵河久不決鳳翼慷慨陳形便嘉定主役太

倉佐之貼工費銀二百有奇衆皆服遂刻石河上爲例  
歲大祲陳救荒策當事從之家故貧遇人危急竭力以  
濟卒年六十以子采贈文林郎臨川知縣

王芳字尚義嘗訪友小直沽適慈谿費廷槐字仲津病  
卧旅舍芳與語歎曰奇士胡自困移至寓具藥餌將護  
倍至明春與同舟還次呂城病卒芳摩其眶不瞑乃枕  
尸于股曰四海一家誰非兄弟骨肉弗面命也君有四  
弟兩兒親養有託母更戚戚費喉閒嗟然有聲目漸瞑  
抵虎邱營棺衾手浴含殮厝半塘僧舍訃其家逾月父  
至環寺門觀者嘖嘖嗟嘆有隕涕者

王國瑜字子握工古文詞事親孝父歿鄰火延及殯舍

國瑜躍入伏柩慟哭守與俱燼火忽自滅平生繩幅自持燕居必莊臨祭時涕泣至仆地卒年五十七尤喜言易所著詳藝文類

朱應聘字敬逸年二十母毛氏病心痛應聘侍疾五十餘日思剗肝以療乃密持刀剗右脇腸出絕于地兄召醫納腸縫固藥敷之觀者如堵有青衣姬言曰曷不取拭血布煎湯飲母乎如其言病愈又八年母卒廬居三載崇禎七年旌按金鴻縣志永樂時張宗敬剗股救母萬歷時童道泰剗股愈父事皆可傳顧振字子厚崇禎十一年嗣父韓病急振年十五醫禱不效念古有剗肝救親者籲天引刀自吭以下劃至腹卒不得肝乃剗臂肉治糜進病立愈創處俱瘡痕墳起

見者感惻事上知州錢肅樂給獎額

某丐丐於太倉茜涇自諱其姓名邑里負母而來便身之物莫不畢給行乞時必先市湯餅啖母食已始去午必復來侍其母膳晚歸必市酒肉舞跳歡歌以樂之冬夜撫母背抱持晨置母于日光所經處擁以罽火夏則爲母驅蚊恒徹夜母亡號哭幾絕乞錢布具棺衾歛而焚之哀慟動人詣與錢布家各稽顙乃負母骨而去不知所往

呂縉字子方父源山西原武令有禦寇功歿于官崇禎十五年縉聞訃時歲荒寇亂偕僕李長徒步行二千六百餘里沿途冒險數瀕于死卒扶櫬歸葬有日記備詳



其艱辛文多不載

王庭槐字兆三州庠生父授生徒于外庭槐曰有子不能養親無以爲人也止之侍養有年庭槐病父請于周孝子廟恍惚神語之曰汝兒已舉孝子病無患矣果起呂雲奇字石英少具至性讀書至忠孝節義事輒反覆不置嘗私著一編第古今人物高下最上者爲師次者爲友少喪母父嬖妾虐使雲奇益起孝敬父感悟謂雲奇曰汝若此夫復何言順治二年大兵至與父匿叢棘中父受縛雲奇躍出乞父命不聽皆殺之家人求得其屍猶見兩手抱父甚固後入祀忠義祠妻龔見列女傳

王時重字威重 大兵至時重年十八隨父瑛避兵于鄉瑛就擒將加刃時重亟前求代遂父子俱死

江德璜字獻之諸生母年八十目盲德璜日舐之冀復明母病痢衣必手滌當窘恒鬻婦簪珥以供母得佳味輒喜不問價也子士毅 國朝順治二年七月遇兵隨德璜匿後園德璜見執士毅出求免遂父子俱死

周綿存字遐常諸生早喪母事父孝父亟稱之則曰大人幸勿言意恐妨於弟兄也 國朝順治二年遇兵綿存謀他徙父不從遂及難

穆雲桂字苑先明末張溥以復社名重海內雲桂從之游黨禍熾同社生往往從決策多所挽救溥弟王治於

國朝以給諫改官甫旋里踉蹌就逮禍不測雲桂先期北發傾身營護得削籍歸而雲桂幾爲忌者所中平生周旋故舊于患難死生之際凡三十年

張起芳字伯榮世居常熟父文竹始遷太倉少好讀書家貧去而服賈值凶歲宗族告援者傾囷分給之弗責償里有逋公賦者出貲濟之族父無子應嗣者在嘉定躬自訪求偕與歸薦紳鉅儒皆與折節訂道義交崇禎間兩舉鄉飲賓尤精于醫子世昌自有傳

顧鎰字雙南與兄鉞同居鉞病鎰禱請代後鎰病鉞亦如之平日緩急相濟各不計償鉞見隱逸傳

顧泳字爾儔工書業醫母亡父年老泳先意承志妻金

氏事其翁如泳人稱夫婦雙孝

王之璧字拱先邑庠生父晚年廢出一子謀他育之璧知諫止分屋居其子母而給之衣食曰吾父勿憂其不及成立也陳瑚集記之

呂一鳴字梅庵州庠生第一鶚亦諸生弟夫婦天遺孤振元未朞歲一鳴撫之倍已子教養成立婚娶後返其田宅

王檉字廷芳嘗作銘以訓人曰爲人在世力穡勤耕教子讀書各守本分惜身如寶守口如瓶和宗睦族善處鄉鄰謹身節用以養天親此庶人之職也其生平所爲皆似此弟柏字庭堅有德望人稱長者

國朝

陸兆允字孺開少孤好學力田敦本收族曾建家祠置祭田以所得嗣產分給族人兩舉鄉飲賓年八十卒子陟字臣如助知州白登明浚七浦孫蔚字孚成諸生俱有厚行

鄭遠寧字君翊宋少師居中後南渡徙居崑山父國鼎贅太倉因爲州人遠寧喜讀書補州學從之遊者膳而教之不問其贅也晚年移居穿山與弟輔世隱居樂志自號逍遙散人輔世字德卿性耿介有所親無子病將歿指複壁中藏金以贈義不取告知應得者封識如初所居近白米涇淤塞出粟疏浚子元良婦徐氏俱以孝

行稱

周之楷字端成順治八年副榜貢生兄世 早世遺孤  
十二齡撫如已子幼弟世梓教之力學成名儒  
劉智字子謀家貧竭力養母嘗游常州于神祠見遺金  
俄有婦人泣至乃夫陷重辟鬻田求賂因禱神而失者  
也智反之婦願分不受

龔涵字時化以例貢生捐授均州同知尋乞養歸嘗作  
五箴以日省其公箴曰天地無私亘古若一爾獨不聞  
人生也直恕箴曰已所不欲勿施于彼行有不得反求  
諸己廉箴曰莘野天民一介不苟首陽清節甘餓隕首  
勤箴曰仰維神禹寸陰是惜侃也聞風朝暮運甓慎獨

箴曰惟天渾淪復見其心人心有天葑屋隙明古訓彰  
彰戒懼丁寧小子稔聞曷爾窺尋自今伊始羹牆若臨  
張世昌字懋生起芳子承家學以醫術聞子增號蘭汀  
州庠生孫之鎬號飛霞縣庠生行敦根本爲州里表率  
曾孫治號健久監生精地理

徐二階字羽虞憲卿子事父孝謹嘗聞家塾具膏火集  
親族之能文者肄業其中及試江寧或江陰則盡挈其  
子姓戚黨以行具百人餼以供之 國朝順治八年以  
歲貢廷對高等又以薦試身言書判授永福知縣未任  
卒第三智字儕生諸生崇禎十四年大饑煮糜以食餓  
者及順治二年地被兵積屍蔽野三智聚而掩之又弟

舒字左庚諸生以奏銷呈誤復就童子試再補諸生入  
貲爲貢生授淮安府學訓導詩才茂贍爲時所稱

錢兆登字伯昇性孝家事非父命不行父年八十病篤  
兆登泣禱于周孝子廟刲臂肉以進病遂起州守白登  
明旌其間有瞿大者少傭工于兆登家亦刲臂起母病  
人謂兆登之感

王九成別呼時慧拳勇絕倫凡爭鬪之場望見九成無  
不斂退然性孝平居修謹士大夫頗禮貌之母臨沒執  
其手曰我惟慮此手爲汝累耳九成瞿然含殮畢斷一  
臂置靈几後歸浮屠以終

王秉忠字廷藎附貢生性樸實敦善行里中推爲長者



正統大興州志 卷三十二  
嘗讀書僧寺拾遺金立寺門俟其人來還之有故家後  
貧鬻女典質以贖焉子星昱字聚東貢生以孝弟教家  
同居四十餘丁咸遵其訓尤多幹濟如倡海防築塘變  
通浮糧諸議皆有規制卒年七十有四

陸九磬字貽則歲貢生事親孝與人交敬屢躋棘闈學  
益精粹後應淮關監督之聘贊修關志稱博雅卒年六  
十九子廷欽能守先業

王潤號謹齋監生爲人謹厚睦宗黨憐孤獨以急告者  
咸濟之晚年尤力行善事捐貲營義塚葬及千餘書法  
歐虞作小楷書孝經極爲同里沈起元所賞

朱臣字來賓貢生爲丹徒訓導委修文廟朝夕不怠或

勸以少閒曰所修何廟敢偷息乎遂以勞成疾張玉書  
哭以詩曰十年正氣留吾黨二酉藏書啟後賢

包汝弼字石公性誠實與人坦易歲祲發困助賑蘇州  
知府陳鵬年表其閭舉鄉飲賓

錢坪字青柯州學生著格天集以訓世力行善事至老  
益勤年八十八病革作偈而瞑諸子皆純行孝謹兩孫  
皆登賢書

錢陞字如卿一字臣辰家世鼎盛陞持身清峻謙謹如  
布衣同懷七人極友愛兄給事中增歿撫其遺子廷銳  
如已子父歿時遺券可萬金陞焚之謂諸昆曰我家所  
不足者非財也及諸子貴益以盈滿爲戒康熙十三年

夏早從知州步禱致疾卒年七十八子五晉錫見列傳  
廷銓字心水康熙二十七年進士未仕卒

王時縉字武立讀書不事章句父珩困于多男時縉嘆  
曰身爲家督不能爲親寬憂徒事帖畢奚爲乃服賈起  
家上其息于父仲父卒子幼時縉內理其家外禦其侮  
歷廿年不倦戚趙某卒爲經紀其喪扶植孤寡甚力性  
方直子姓質成出一言皆感服年七十二卒

郁聖揆字紹虞父目青聖揆日以舌舐而愈後病篤泣  
涕嘗惡驗瘥否父歿號慟欲絕水漿不入口者三日母  
病醫藥罔效聖揆籲天請代母立愈迨母卒廬墓三年  
巡撫湯斌奏旌其間

毛張鼎字梅丞天麒長子州學生性醇謹篤于孝友弟

舒字雲展監生嗣叔父天駿後嗣母李氏早寡舒奉事

恭謹曲盡子道晚受封彌敦樸素八十卒長子鉉

字旣方監生勇于爲善有沙土一邱氏納糧爲義塚

族人賣沙射利拋棄骸骨無算鉉僱寺僧檢拾彙置一

缸座之復請官勒石禁挖沙者次子鉞見武功傳一

黃信中字孚一值兵燹破家力耕養父母里人稱小黃

孝子父病溺閉醫不能治信中齋沐顙天夜恍惚聞神

語曰吮之利信中吮之果效父母歿廬墓三年當父疾

革時以百金付信中曰汝弟受田多以此益汝父歿仍

以分弟嘗暮夜道得遺金知曾爲負父金者請于父曰

宜畱以償所負然譬獲他人物其乾沒乎遂還之又有請鬻女以償負者邵之更周其乏一穿窬入室覺而諭遣之終不洩其名其厚德多類此雍正間有 旨旌

問

郁元明字台符諸生少負才名性至孝父病刺血和藥默禱于天願減算以益親壽疾遂瘳里中有以急難鬻女者捐資代贖

顧宏沛字天霖諸生以子陳埽貴封行人司行人少豪雋重然諾中年益修內行醇謹敦睦五世同居邑中舉善事輒推領袖康熙四十六年姦民潛結爲亂宏沛言之當事遇其萌邑民得無罹禍某守至宏沛昌言逋賦

宜緩征守疑有私及核徵冊宏沛合族無欠益嘆其公  
年八十巡撫顧琮繪家慶圖爲壽榜其堂曰永世支百  
又越四年卒

王瞻字岷望康熙五十年舉人例授中書改吏部員外  
郎轉郎中出知成都府却饋遺興文教時西陲用兵轉  
運糧餉先期集事會父原博緣事戍肅州瞻離任與弟  
訥更迭隨侍凡七年集貲贖鍰奉父歸色養益至父歿  
以哀毀及祥而卒子述履字呂勲幼稱神童年十四補  
庠生甫冠卒述宏字廓如附貢生有文行述曾字景沂  
監生與兄述宏同赴江寧試兄病侍醫藥比歿持喪歸  
竟不就試輕財篤行能盡斥私產以贍女兄瞻弟訥字

默存以諸生貢入成均侍父戍肅州獨留四年戍所乏米遠糴值大雪馬陷深溝僅而獲免人謂純孝之報家居承伯兄指內外無閒言嘗育棄嬰贖難女善行尤多胡觀韶字允諧州廩生精舉子業入成均選靈壁訓導誠心課士資以膏火澤以經史是歲傅生領鄉薦前此所未有也以疾歸力行善事年九十二卒

高士鳳字羽皇性純孝四歲而孤嫡母已先卒所生母錢氏撫之以四十餘年皆奉母教得成立再四陳情始得請旌晚年將建節坊忽遘疾卒

陸序號子和歲歉郡民大饑捐資煮賑全活無算當事上聞以知縣補用敕授文林郎

毛成肅字孝則監生性嗜學事親能養志時伯兄之主  
入翰苑成肅偕仲兄奉侍寢門恪恭子職好施予族黨  
中有求必應尤研究詩律年八十卒

錢渭字應清監生胸懷坦白或以睚眦就質片言解釋  
敦宗睦族于從祖遺孤教養婚娶悉身任之戚友困乏  
咸爲伙助設不能殮者經紀其喪賑饑施樁倡捐襄事  
不遺餘力年八十有四以子文梓貴受 贈

楊楨字寧侯幼知孝讓舉動必以禮身長八尺狀貌魁  
梧鄉黨有爭競者理論之咸釋然而退年八十後命其  
子盡鬻田廬代族人償逋賦里閭益重之雍正十年秋



海濱戶籍者近有海濱無不

直隸太倉州志

卷三十二

人物

孝義

三

阿午佚其姓王均家僮也均被海潮漂死午遍歷港汊  
三日夜得均屍葬之後均妻湯氏依母家父母逼改嫁  
自縊死事詳列女傳方湯之死也獨午知之午奔走保  
全均幼女潮音未暇發其事未幾潮音又殤午痛哭極  
哀曰吾主人夫婦孝烈乃天絕之若此耶行人聞而詰  
之午具言湯死狀且曰主母棺在某家墓傍吾屢欲盜  
與主人合葬昇者憚不敢行奈何人曰盍鳴之官而歸  
之王乎午許諾湯氏聞之密令某家火婦棺以滅迹午  
乃詭稱湯使往視斂其骨以空罌易之負歸與潮音同  
瘞于均墓時人義之

呂洵字淳初以痘失明父年老移床就寢處服勤至死

弟嘗傷臂倍加體恤乾隆二年巡撫邵基具題

詔

賜八品頂帶

王應麒字漢超遇賓曾孫母葛氏病藥弗效焚香禱天  
割左臂肉煎湯進病頓愈越數年母病復發哀禱如前  
又割右臂肉以進母見其衣袖有血漬喟然曰孝哉我  
子其如大分有限何

顧清振字選一入貲捐通政司經歷體素善病慨然曰  
仕以榮親不顧身危赴之適爲親憂耳遂以疾辭父巖  
宦漢中卒護喪東下病益深嘗罄資爲叔鳴周償官債  
千餘兩無吝色尤睦族建宗祠餼家譜卒年七十有四  
陸鉞字順伯由監生入貲捐詹事府主簿年十六失怙

事母孝養備至雍正十年海潮災偕里人設粥平糶全活甚多

楊洽字亮時州學生性孝友身長玉立力行善事有徐某官于山西旣卒妻子歸貧無所依洽收養之撫其子得成立人高其義壽九十五終

金炳字繼萇州庠生爲人練達崇儉樸有姑適人半載而寡迎養于家守節爲之請旌建坊歿後又覓繼嗣撫養之卒年八十有一

陸碧字漢雯監生幼有至性年十二母病瀕危欲剖肱和藥以進方舉刃倉卒聞履聲誤披其脣母見涕泣亟止之及母歿毀瘠如成人久之棄舉子業牟什一之利

以養父生平重然諾好施予鄉里推之卒年七十有五子岳附貢生亦工書法

金鯉字乘上少有至性年十二喪母哀慟如成人事父暨繼母尤孝謹繼母病延醫進藥逾年不懈遭喪以毀致疾乃力疾經營窀穸比蒞事而歿

王筵字侍經生康熙八年歿乾隆三十三年壽百歲初家極貧筵勤操作務節儉六旬後衣食粗給弟欽文夫婦更貧資其養贍鄰里稱之

宋賓王字蔚如幼喪父痛母早寡誓不婚娶極意色養居市廛兌易銀錢爲業篤好詩書堆積卷帙稍閒卽吟咏抄錄不少輟尤究心字學辨駁訛僞同里沈起元顧

陳埤稱其極有根據知縣金鴻修縣志聘請分校人稱爲宋布衣

王斌字允兼性純篤事親得堂上歡親喪撫育幼弟立心行善見義必爲雍正十年秋海潮災歲大饑道殣相望請于當道力任辦荒捐貲以千計全活數萬人捨棺施藥置塚設倉大吏稱之各旌以額乾隆二年于樂善好施例奉

旨以縣丞用九年選廣東新會縣丞莅任除陋規既攝縣篆有湯何兩姓世爲仇糾黨相攻斌冒鋒鏑往諭之衆皆感悔解散旋丁母憂服闋補浙江東陽縣丞赴任閏四月告歸年七十四卒

邢鳴佩字德音信實謙恭與兄鳴球共理家事相友愛  
乾隆二年巡撫邵基以碩德具題 詔賜八品頂服

黃機字聖猷生有至性少時卽以戶役事身代父勞居  
父喪祭葬備理不以諉昆弟母偶病數百里外求醫後  
得哽噎疾甚篤復刺臂血作禱願減已算母果至七十  
六乃終棺殯堂中比鄰不戒于火風急將焚繞棺長號  
風卽返文武官吏見而驚嘆

盛大椿字九如州庠生家貧授徒父子緘疾且殆大椿  
割左臂肉作湯和藥以進母病復割右臂肉病俱獲瘳  
知州王延熙給至孝維風額以旌其廬同時顧椿字大  
年父文威病劇割右臂肉以進疾遂愈臺司書誼隆不

匱區以旌之胡起宗字奕芬父繼虞病割右臂肉以進病獲痊又嘗賑災煮糜平價糶粟里人稱之王庭蘭字芳流母吳氏患血症甚篤庭蘭割臂肉以進病愈

張文忠字季諤性儉約而睦族恤孤不計所費乾隆十二年潮災墻屋圯米濕計百餘石家人欲晾乾出糶爲修造費文忠止之立造土竈用甌蒸米招鄰里計口分給一時羣聚米盡繼以穀穀盡繼以麥傾家所有兩日中不下二百餘石十五年遷居沙頭值歲祲設粥捨棺至老不倦學正重其行薦舉鄉飲耆賓辭不受生平不欲以善名著卒年七十有八

張鏞字維屏歲貢生少孤立學孝事繼母無異所生性

恬退尤力行善事以明經將需次甫週甲而歿

王葵字大容乾隆十二年舉人力學嗜古友教多年英才蔚起畢沅卽其弟子也性敦篤居喪至戚宗族稱之三十九年奉檄截取知縣辭就教職年七十餘未選而卒

楊子龍字西士州增生蜚英藝苑授徒多所造就中年後貲產稍贍尤喜周濟襄事育嬰堂歲活無數又里中修祠廟繕橋梁輒先捐助年八十一卒

金詩學字肄三天性孝友素行端方會戚屬徐某官臨晉知縣卒于任無子詩學助資斧俾得歸葬會海潮災知州設粥平糶贊襄賑務全活饑民甚衆造橋修路捨



藥施樁不惜財力爲之就例得知州職銜父母皆邀

誥贈卒年六十有三

邢德厚字坤元監生爲人端謹事親孝親沒友愛兩弟世居雙橋有田二十餘頃喜施予初建社倉首捐穀五十石建婁東書院捐田三十畝州縣皆旌以額乾隆十六七年米貴平糶前後共數千餘石二十年歲大祲仍率其弟糶至數百石旣復捐錢助煮賑巡撫莊有恭以名聞議叙州判二十三年春除授麻哈州判旋加捐候補同知任事有幹畧十九年築海塘知州屬董其事德厚陰助其費工特堅固卒年五十有六

胡錫鈺字大成監生九歲由歙縣遷太倉性孝友家故

貧以作苦積貲晚年分田賜族黨乾隆十七年建婁東書院錫鈺捐金助之同里邵嗣宗推重其行子鵬徵力行善事有父風孫廷桂監生有卓識戚友事悉資籌畫嘗出粟賑飢人咸德之

柴熙元字近愚爲人醇謹謙和好行善力有不能者必慫恿有力者爲之家沙溪乾隆二十年歲祲官設粥廠實力襄之瘞棺之無主者年大耄猶拈時藝以課其孫何元時贈之以詩云八表能文方是健一生積德不爲貧卒年八十有七

趙松字萬齡監生三歲失恃鞠于繼母稍長曲盡子道父病篤刲股煎湯進得愈母停柩未葬遇海潮衝決松

以身抱柩洪濤急溜浮蕩一日夜卒以無恙其先祖宦  
光三世葬吳縣寒山并有祠歲久爲人佔據控于當道  
復之乾隆二十二年將建行宮于寒山總督令償其  
直松辭之而改築祠舍于其旁晚年益嗜學卒年七十  
八

俞憲曾字企高遂進子年十二失怙性至孝母病革夜  
禱北斗刲股煎湯進疾竟瘳族人有議賣墳樹者值旣  
成企高知之往墓號慟三日遂寢其事妻沈氏事姑曲  
盡誠篤邑人稱雙孝

胡汝楷一作建楷初字端士後改端木善篆刻弱冠時母病  
醫不能治汝楷割股肉以療之母後再病汝楷復割以

進悞傷其筋致廢疾年三十一卒

陸望字武賢早失怙出贅不得侍母因自號憶齋以見志旣贅妻家以其所有與嗣子均之而獨任喪葬事至嗣子逋賦慨然代輸焉生平重義好施能濟急難年七十後舉鄉飲賓望工詩及書法著有西陽集及次韻前人梅花菊花各百咏

曹治字宇平以貲候選州同九歲割肉以療母疾父斃歿于廣西時年十四子身扶喪旋里兄路南遊幕雲南家于姚州母念不置治許母尋兄將行托母子友友阻之治曰明年當偕以來謝耳果得兄嫂及猶子以歸戴興宗字尙賓生三月父亡母劉氏守節及長母卧病

十餘年興宗率妻袁氏湯藥侍奉衣不解帶十餘年如  
一日人稱夫婦雙孝興宗奉母命行義事不計所費歲  
禮捐米施粥知州王鎬重其行給義高惠溥額年七十  
一卒

李壘字仁山監生父維德以節儉起家力行善事平生  
不妄交游而推誠相與然諾不欺壘有父風見人緩急  
必周卹之晚年益以積德行善爲事延師教子曲盡禮  
敬子五長錫恭嘉慶丙辰進士官編修次錫信乾隆癸  
卯舉人錫瓚已酉舉

忠錫晉嘉慶辛酉同榜舉人

楊端華字陰年早歲爲諸生讀書砥行以入貲擢中書  
科中書性孝父患風痺晝夜扶持衣不解帶者三閱月

父母歿號痛慘怛哀感行路兄歿撫孤姪如子生平與人相接坦易無城府尚氣誼或以緩急告傾囊贈之知州鰲圖舉鄉飲大賓辭不就子雲煜雲翊雲寶雲祜雲煜乾隆五十四年舉人餘皆州諸生有文譽

鎮洋縣

國朝

張元薦字咸岳輔之曾孫選刻經義評隲精當以歲貢生任定遠訓導遷儀徵教諭所至有聲孫潤字鳧襄年十三父塋夜半醉如廁潤心動趨視父溺池中亟躍入抱父以出有戚孀居二孫縱汰孀以貲寄潤暴卒潤呼其孫規以正言還封如故鄰有士族鬻女吳門爲贖歸

擇配雍正三年院司以好施請叙州判明年撫軍楊某  
舉孝廉方正旋疾卒同里私謚曰孝惠先生子瞻淇字  
棗天州庠生循例選四川寧州通判有循績

畢禮字幼和歲貢生先世由河南偃師縣遷歙復由歙  
遷太倉少讀書念家貧無以養親乃習計然術有幹畧  
重然諾人所依賴晚歲遂成富家兄弟或貧或已故合  
二十餘口同爨以養嫁娶皆獨任之嘗設養塾于東亭  
子橋置義塚于東一都捐助育嬰堂田畝公建社穀倉  
厰里中事無大小必倡率經理年七十七子鏞字東里  
監生與妻弟吳門張鳳孫以文行相勗力學致疾先卒  
以子沅貴 贈榮祿大夫

錢枚字芳蔚恩貢生家貧篤學授徒里中弟子多掇巍科入仕後惟以道義交口約腹裁營數代葬事撫亡弟之孤寡恩誼昭著與沈起元同舉鄉飲卒年七十有一何蘭字晚芳縣廩生爲詩文才氣溢溢應鄉試有同舟者卒于京口爲治棺斂至金陵有戚疾病蘭醫治百方及卒斂而扶其柩以歸其敦氣誼類如此年二十三病喀血卒

支元福字玉山縣學生讀書敦行重然諾慎取與有狷介操工六法興至潑墨自娛雖屢空晏如也卒年七十有六無子邑紳暨及門爲營喪葬置墓田供祭掃請知州給示并勒石以垂後時有王諧字宜秋好篆刻能詩



善寫意興家貧有清操與元福相似以藝應人請不合輒去著有雙桂軒詩草無子年七十有八又有邵南棠字禹三廩貢生性耿介豐于才而艱于遇晚境益蹇所著有拾存詩草陳揆雲字鵬翼以諸生負雋才尤喜書法年踰大耋所著有聊寄吟監生趙溶字雲江嗜吟詩閒作畫所著有寄蜉集其志操皆與元福同

吳家銘字景勲監生幼失怙奉母教端慤誠一遠服賈精懋遷術始置田廬勇于濟物每念俗先禮教莫要于聖諭十六條于乾隆十二年元旦始每夜五更擊銅板以宣講沿街提唱俾人盡曉二十年如一日家設義塾延師教無力子弟董普濟育嬰義塚井井有條當事者

歷延爲約正知州王鎬顏其額曰樂善不倦邵豐鏃顏其額曰教人以善以子桂官潛山學教諭邀

封典

卒年八十有三桂見文學傳

王薪樞字周楨縣庠生九歲能文章十三應試人稱神童平居事父母至孝比歿哭踊悉中禮昆季七人友愛白首無間言世居城北聚族而處羣從請業者咸奮發有名構造宗祠有族伯年高無後敬養之無德色里中推爲盛德長者卒年八十

陸恬字大淳毅子考取州同知候選爲人饒幹畧州地濱海數被潮災知州宋楚望議沿海築堤捍禦恬總司其事用節工堅至今賴之里人捐修鐘樓及海寧寺久

未集事怙一力自任乃落成又賑災設粥出粟平糶委  
管育嬰普濟二堂歲有津貼卒年八十有一子時化字  
潤之監生佐父成義舉敦族誼篤親友克承先志正倫  
字有常監生甫十齡母患目眚甚劇正倫晨夕舐之獲  
愈異母弟病赴郡延醫參苓費不貲周卹戚屬所費或  
不盡出父指然必歸美于親知州宋楚望旌其孝

李岐字豐千事親以孝聞友愛昆弟遇親族故舊恩意  
周摯不望報鄉黨推之次子元鑣乾隆三十五年舉人  
朱周鳳字廣平縣庠生弟瘡州廩生早歿撫養遺孤長  
爲婚娶析產無異已子鄉黨稱之

周士達字尚卿髫歲能文家貧棄舉子業營貨殖計撫

幼弟爲之婚娶養祖母歿後營喪葬嫁三姊皆獨力辦之族姪祥被仇害幾成冤獄傾囊營救始得釋潮災避水裸而至者幾百人給以衣又飼之粥後以子京參將覃恩誥封武德將軍卒年七十有八

沈璜字天來恩貢生遇甚艱苦而孝友益篤父聖階以事被收訴于知州得釋弟洪普充州吏因漕米紅腐將獲罪毀家丐貸事得濟工書法盈尺擘窠人爭寶之因摹黃庭經得修養法年七十有七

凌駿字思遠縣學生父歿時庶母弟彥甫六齡撫之成立補學生又以遺產故宅隘別購一區授之庶母守節請旌入祠建坊葬族人十三棺族有逋糧者代償焉

蓄書富至老手不釋卷卒年七十有六

劉廷鉞字威若監生先世居西郊遷于城得王世貞弁山園之中弁居之有亭池舊蹟母年逾九十病不能行日命二婢簞輿舁之遨遊其閒爲懽笑時鉞亦七十餘子孫五世一堂愉愉如也母卒哀毀不少節乾隆三十七年年八十三鬚鬢如四十許人卒年八十五

王廷輔字鳴周處市廛業星卜方三歲時聞父秀芝病疽呼號聲卽涕泣不止及長以孝聞家故貧竭蹶以供甘旨枕席廁踰必躬親之父歿三年不御酒肉居母喪亦然姊二人所適俱貧時周恤之嘗自謂曰心無纖曲雖霹靂同居可也署知州王鎬書不違孺慕額旌之年

七十一卒

顧煥爵字功榮父梅母錢氏中年寡撫以成立煥爵勤習舉業補蘇州府學生食餼後歸州學事母孝得脩脯悉供甘旨母沒三年不居內寢雍正八年秋海溢漂沒者無算倡同人掩埋以千計又設放生會晚年好道與人言輒以忠孝相勗乾隆初 詔舉孝廉方正知縣欲以其名應謝不赴

錢廷燦字致廣天性純孝髫齡值母病顰天請代詰朝有叩門者自稱宋雙鳳由諸啟元薦至授以藥丸五粒曰服之自愈廷燦如其言母病果痊往謝啟元駭曰並無推薦事吾鄉亦無宋姓醫者里中咸以爲孝感云廷

三  
三  
三  
燦爲人正直和藹好讀書親朋有以緩急告者必勉應  
之年七十八卒

吳霽字獻可暕子幼失怙析產得瘠田六十畝壯隨生  
母居年十四母又亡刻苦自勵爲諸侯幕客積束修所  
入葺偉業之賁園及西山丙舍又刻暕西齋詩集附事  
迹于後蓋能成先志如此

直隸太倉州志卷三十三

人物

孝義二

嘉定縣

明

楊仁實集仙宮道士吳元年知州張率以城歸附而上  
海人錢鶴臯結諸邑子弟數千人爲變入據嘉定繫率  
送松江獄脅以兵刃仁實蓐食草屨奔救之終籍其力  
以免

沈輔字良弼性至孝嘗他出忽心動悸汗曰得無親病  
乎惶遽馳歸母黃氏癰潰已不可救哭踊絕水粒者二



日父患末疾夫婦晨夕稽顙北辰願以身代及歿廬墓  
三年妻瞿氏事姑亦盡孝宏治七年詔以雙孝旌其門  
沈瑄字君玉居邑城母陸氏病目或教以平旦舌舐可  
愈瑄行之三年母目復明父患臂疾不能立瑄日夜持  
侍不離左右聞有李神鍼者能起痼疾邀致之李欲爲  
灼艾瑄先以身試痛甚恐父不堪固請止是夜父夢神  
人語曰吾感孝子意爲汝鍼之鍼下驚汗疾遂愈宏治  
九年詔旌其門曰孝行裔孫咨禹繼姓唐字伯勤萬歷  
三十七年舉人官終雲南按察司僉事崇禎間任兵部  
員外郎時邑有復漕之議咨禹在京力爲營辦事得寢  
性孝友嘗以餘產分給族人遇歲荒親友稱貸者力不

能償悉焚其券

王涇字清之父鍊病癰幾殆涇割臂作羹以進父愈知府上聞詔旌其孫泰亨泰貞俱嘗割股療親

楊玟字公蘊性至孝母顧氏疾藥不能效玟顰天刲股以進母尋愈嘗部運入京遇館人喪不能舉將鬻其子玟探囊得三十錠盡與之

蘇昊字舜夫父病竭力治療弗愈及卒哀毀幾絕躬負土治墓結廬其側悲號不少置一日雨甚水侵墓昊荷鍤決之獲金五錠用以買藥治棺施貧者父有遺產悉讓諸弟

殷子義字集卿年十六補邑諸生授經里中垂四十年

經書悉爲註解父析產子義以異母弟少悉讓之孝事  
其父與繼母修脯所入悉資贍養晚年以次得貢授淮  
安府訓導貧不能治裝門生各奉金爲贐三年罷歸病  
且亟矣猶計所受封識屬家人還之學者稱爲方齋先  
生孫懋新字熙之工詩文中萬歷四十四年進士母喪  
爲孺子泣者累歲事後母如所生父沒屬續懋新以身  
溫之寒入骨猶不肯舍親黨強起之一慟幾絕釋褐後  
授行人奉命勅封當往秦地有同官阮某秦人也思母  
老便歸省以情告懋新慨然讓之而已得慶府以勞瘁  
致疾抵家卒

茅震字起之父瓊早世母陸氏守節震事之盡孝家貧

資醫以養專治婦人科兼工針灸隨手著效

沈震字天威爲小兒醫偶得錢遇乞者輒以給之嘗至  
妻門于廁中獲遺金二十七兩攜至舟舟中人欲分之  
震曰幸少待倘無索者金皆諸君有吾不取無何有哭  
于廁前者自言常熟人吉義因事賣兒女以有此金震  
覈其數良是卽全歸之明年義載麥踵門以謝震留飲  
食之卒不受震故家貧歿時幾無以殮有司致賻葬之  
郭山字體仁又字仁仲嘉靖四年舉人至性孝友父性  
卞急嗜味少不當意輒斥去山竭力營求朝夕無輟子  
婦竊聽戶外食已乃相慶謁選爲同安知縣縣苦徭役  
不平乃計其經費準田定賦貧者稱便諸番市舶輻輳

權稅外盡革浮羨丁父艱去任父老醵金三百爲贐謝  
卻之服除不更出曰往日之仕爲親耳今復何爲

嚴銑字子華父堂故長者知縣李資坤召主權會奸胥  
不敢攤逃賦知府王儀又令察諸占田不實者忤里豪  
意乘知府去訟之御史廼死獄中時銑尙少自務其胸  
作必報父讐字旣數年懇諸父老曰孤今幸壯有力矣  
不難剗刃讐人胸第吾父被汚卒不自請告士師而殺  
之于是走廵按御史臺訟父冤里豪被逮自經死銑痛  
不逮養刻木爲父像事之如生

徐佩爲副使任環治庖環禦倭至嘉定兵敗環獨騎殿  
後遇危橋不得濟倭追之急佩掖環度橋而身自持矛

當之刺一人下水羣倭攻佩殺之又有徐鳳徐氏僕其  
主爲倭所獲令負擔鳳請以身代倭弗許鳳尾之行倭  
數挺刃恐之鳳戀不忍去竟被殺

歸可正字端甫縣學生嘉靖三十三年倭寇薄城可正  
祖母年八十餘病在床蓐可正負之窺會天雨泥濘不  
得前遇賊賊惡見病婦欲斫之可正哀懇願以身代不  
許遂并遇害僉事任儼哭之以詩學道趙鏜賻米二十

石知縣萬思謙表其閭曰孝子之門

附任環詩迎盜思安母狠心未轉移

黃塵猶拂面白刃已甘飴遺恨應憐父  
解家豈待兒何當梟賊首爲爾報仇私

金瀚

魏校集  
作辭

字守齋祖鑑字汝昭內行淳篤宗黨稱其

孝弟父蒞性嚴有不樂瀚卽長跪終日風雪僵凍不敢

移膝兄洲未第時與海內名儒遊瀚爲力田治生以資其宦學後兩任邑宰一矢清節而衣服器用瀚從其家送至官所父晚年愛庶子瀚構別業于祖居之北以家產讓弟

龔世美以祖去任蔭監生爲人朴厚長者諸父兄負國課當催時故囚服蒙械以見世美悲不自勝立爲償之明歲復然卒不意其詐也或陰縱火于旁舍陽爲救火羣入攫其中藏亦終不恨未仕卒子可學弱冠爲諸生才氣絕人不輕然諾後爲家奴所賊孫錫爵有傳  
王玉堂吳淞副千戶刲股療母病尋愈事在嘉靖四十年子有道割左股進母病愈事在萬曆十七年

陳汀字厚卿幼喪母育于同縣馬氏平生好義先世遺業悉讓與兄盡復賙給之後馬氏有分復不受人有持官銀百兩遺旅店中汀後至獨留守俟其人還而付之爲人乞貸已而負之汀爲代償其後有求復與終不言前負臨歿呼其子索筆書曰負某人物若干又負某若干吾死汝必償之他人負已者不言也

宣應楫字仲濟少事歸有光以文名尤敦行誼所善龔可學爲家奴所殺卽與同好訴諸官賊久未得應楫踪跡之盡得其黨時可學子尙幼應楫歲時祭之

沈兆字祥卿嘉靖三十二年值倭警奉母往崑山母病傾資醫禱弗效割股以進已愈復病至爲嘗糞及亡號



慟不能拜起扶輿歸遇雨竟夕跪雨中祈晴翌日果克  
葬客金壇時甥龔錫爵遭逆奴弑其父錫爵方五歲僕  
李崧負至兆所兆撫之如子及成立乃出其十五年餘  
租與親友所贈并與之族孫厚嗣慕兆風盡力事養其  
親父病亦刲股以進

李崧龔氏乳媼之夫乳媼死所乳兒甫五歲且其母前  
卒父可學爲家奴所弑人利其貲欲甘心于孤時可學  
舅氏沈兆客金壇崧乘夜負兒以逃走雪中五日抵兆  
所兆命崧同卧起提抱浣濯一以屬之十五年始返舊  
廬兒念崧恩不置而崧短衣力作如故初逆奴之變猝  
起謊言可學被盜燔死未獲主名及宣應楫等縣購得

賊知縣楊旦乃逮訊伏辜兒名錫爵進士官至廣東布政使

殷道復字嘉甫嘉靖閒倭寇薄城父天佑自金陵歸爲賊所逼阻隍不得渡道復方守陴急從堞閒躍下馮河負父身中二矢父免于難

某少孤嘉靖閒倭掠其母某爭之倭欲殺其子某曰寧從爾殺吾子勿殺吾母倭怒以刀斫之母乘閒逸夜求其尸復蘇

蔡惠卿以母老弗避兵亦弗及于難

顧大德以身翼父被傷十三創不死

侯士方字孟田嘉靖三十三年倭至一家逸士方獨負

其祖而行竟不遇倭孝養父母母瞽日夕扶持弗懈分授諸弟田宅族有負者還其券待塾師甚厚三子皆成諸生孫萬鍾字仲客萬歷三十七年舉人鹽城教諭孝行純篤十八歲授徒青浦間父病急馳歸籲天求以身代時值盛夏俄空中墜橘葉綠苞紅萬鍾以爲神賜進父嘗之獲愈

甘雷字桃園好義尙勇嘉靖三十四年倭寇入境雷率同里高相等禦之奮勇居先倭設伏射中雷臂雷拔箭而進倭曰此壯士也不可與爭旋引去邑賴以安時總督張經以雷績上聞曾經爲趙文華誣奏章格不下須諫字惟厚篤于友愛處骨肉閒以含忍相化姊寡歲

計其衣服之費而輸之并爲撫育其子嘗寒月過債家  
怪壁下草中有物蠕蠕動發視則三穉子赤身卧也遽  
還其券出遇哭于道者云市布得假銀詵如數與之尤  
好覆人之過所知以白金數錠來質後試之皆僞物卒  
置不問以此鄉人多德之

顧夢欽字公肅家貧授徒所至常奉母以養浣濯紉綴  
至厠牖皆親之平生不樹產業修脯所入悉與弟共母  
病亟嘗刲股以進獲愈

王晋才京衛指揮之裔十一歲父亡其叔誘之至嘉定  
鬻于朱氏呼爲晋才晋才善結網捕魚得錢悉以歸主  
主死事二小主加謹紙墨脯修亦資賣魚錢以給之越

四五年小主相繼歿主母在獨力供養人諷去之晉才  
曰家有僕國有臣臣可去其君乎卒服勤不改

潘士英字子實父乾邑諸生溫良隱默稱爲長者士英  
奉母至孝母御新婦嚴一日奮杖擊婦簪入頂而仆士  
英俟婦小甦卽率之跪謝母偏憐少子士英亦憐愛之  
相得無閒嘉靖中以歲貢生爲龍泉訓導遷江山教諭  
趙邦本字二懷急公好義當嘉隆倭亂兼值災祲時有  
江北流民千百流寓至邑邦本具呈邑令自捐已貲造  
草房置農具給牛種令開墾荒田知縣韓俊爲請憲達  
部給帖樹碑立東西兩義鄉甲免其稅三年稅設科則  
永免徭役流民來者曰衆東西兩鄉長子孫皆尸祝之

高起龍字開先邑諸生父病割股以療萬歷年被旌徐允祿作孝子詩傳之

吳雲龍居常盡孝父病危急盡誠告天願減已壽益父隨割左股爲羹以進父得愈知縣吳道長臨其家驗視給獎申詳上官賜粟帛

宣光祖字孝先邑諸生性孝友而家甚貧母春秋高祖勉有無不使知之值大疫仲兄閤室俱病光祖晨夕視兄湯藥卒獲痊一日于風雪中拾遺金竚立以待俄有老人號哭而來曰兒以逋賦被繫鬻婦以償而又失之終當死耳驗其言實遂還之嘗試陽羨見羣賈人遭掠不能歸卽捐橐裝佐之里兒盜斫田廬樹二十餘株憫

其貧貸不問其寬仁多類此

沈尊字達三御史陽之孫爲人伉直不苟取與性至孝與妻汪氏竭力事親同產兄弟三人而生養死塋皆尊獨任兄弟歿貧不能殮亦尊爲營厝

張鳳儀字恒拙父母相繼歿朝夕哀號遂失明三年夢神授以方服之目翳頓消事伯兄如父年踰六十有事必咨而行兄亡哭之慟踰月而卒

唐敏學字孟博邑諸生秉姿正直縉紳咸敬禮之王錫爵每至邑必造廬以文章道義相期許事父孝父愛庶子精室珍玩俱以授之

陳元植字子培九歲失母祖母與繼母共撫之祖母病

割股療之及後母病復欲割股妻印氏曰君勿傷舊痕遂自割以進病亦愈里人稱爲雙孝

張炯字守郊篤于友愛尤好施與天啟中部議復漕炯偕邑人北上伏闕得著令永折族人相字望浦親病無措割股以療元吉字慶來幼孤孝母兩舉鄉飲賓不赴張仕字宗學父好樗蒲負則不樂仕輒潛與博徒錢令詭不勝而歸其錢以悅父父嘗爲兄輸稅而以兄稅博三十金俱盡仕罄其妻之奩輸之弗令父知也父又好飲每遇佳辰仕亦潛以錢貽父所善者使飲父卽丙夜歸必命其妻再治酒饌以進旣寢必俟熟睡乃退父病禱于天而愈



龔欽仕字行之天啟元年歲貢生少孤奉母朱氏至孝母善病醫藥勿離而欽仕能以色養致母康強撫育幼弟衣食婚娶皆不煩母慮族之貧者調恤之有自鬻者力贖之妻堅稱爲清明淳篤之君子卒門人私諡曰貞孝子用圓自有傳

陸漸登吳淞百戶十歲刲左股療母病後又刲右股療父父母俱以壽終又吳淞人車薦父病刲左股進之獲愈時年十二事在天啟閒

李繩之字受伯先芳子也旣葬父廬墓三年不櫛沐不飲酒食肉每日遶墓呼號者三父祀鄉賢時有並祀者不愜人望繩之亟抱主歸曰吾父豈與若等爲伍性高

潔方嚴布衣麥飯終其身

金宏祖字汝賢父應鰲教授鄉里以義行稱宏祖能承其志父好飲每讌親舊家宏祖必尾其後屏立俟門外扶掖以歸至丙夜弗懈具膳營甘旨父戒勿購宏祖詭託戚好所餉使父忘其艱嘗賈他處聞父病倉皇返塗中創于盜懼父知忍痛左右侍湯藥如平常崇禎四年巡按饒京上其事詔旌

黃士彥父客京師士彥拮据養母崇禎五年春母病不能致醫日夕禱北斗剖股作羹以進及歿哭幾死丐貸以營棺殮知縣來方緯給額獎之

陳世埶字維之嘉猷子好學嗜古以諸生入監與兄世

堧讀書于崑山世堧登崇禎七年進士仕至長蘆巡鹽御史世堧慷慨仗義族有逋糧而逃者拘攝甚急累及妻孥爲之賂積逋不下千餘金十五年拔貢授瓊山知縣以國變未任累舉鄉飲大賓子碩中順治十一年副榜

徐麟定字宗題學謨曾孫年少爲邑諸生受業太倉張溥之門賦性醇謹事母盡孝至老彌篤母病必嘗藥以進生平不入公府惟以讀書種德爲務

邱隆光字美含父榮東安主簿將赴職寄貲于其姻未幾榮卒于官隆光取所寄歸母族構之曰金不止此也隆光置不辨母張氏素嚴隆光與妻顧氏事之彌謹承

歆二十餘年及母歿哀毀期年而亡崇禎十年學使倪元珙上聞詔旌雙孝之門子道明自有傳

張宏原字子灝參政恒孫事父汝端母王氏飲饌必精潔躬自烹調朝夕問事周謹父喜遊延致老友備遊具快所欲徃四十年如一日親歿哀毀骨立廬墓三年推官倪長珩獎曰純孝

陸景行父癆瘵割股進之得愈事在崇禎九年

申荃芳字澹尹文學素著有經世才嘉定永折漕糧崇禎十四年忽奉文改兌舉邑惶駭荃芳偕張鴻磐赴闕陳奏得以復折後歸隱于鄉營塋累世之喪子毓來見治行傳

陳尙仁字壽之父國珍患瘰三載尙仁偕妻金氏每夕拜禱願以身代夢神授藥而愈崇禎十四年傾資濟貧全活甚衆兩舉鄉飲賓子範邑諸生次有常孫經綬綸縉曾孫煥三世同居知縣聞在上給令德孝恭匾

戚承祖醫薪爲業事父必覓甘鮮曲意承歡遇病刲股進羹親得愈崇禎十五年巡按給獎

陸振宇字君立宋寧晉令愉之裔孫有隱德崇禎十四年蠲米賑飢全活甚衆又捐貲修築堤路行旅便之年六十時悉焚篋中貨券崑山陳溪民有重逋以訟廢家不能償更貸之金子沈賜廩貢生以詩文名

許大達字韞玉明初以開國功世襲戶侯少好學補諸

生事親孝隱居海濱習于經史有故人爲仇所陷白諸當事欲置之法其仇以五百金餽却之越中老生貧不能歸鬻其妾與女其妾賣與大達及至泣不已問故曰夫女生離是以悲耳卽召其人領回其人以價散半爲辭答曰豈望還銀并以其半代贖女歸之年八十有四卒子自俊見文學傳女玉早寡守節在家以節孝旌吳善父病卧床十三載奉侍湯藥如一日鼎革時人皆逃竄善因父病奉侍不出爲兵所執問故釋之後當事旌表其門

郁所志字竟成性孝友業儒不就去而爲賈崇禎十五年大禮與弟無文煮粥賑濟減價糶米全活多人

陸邦里字仰溪性至孝割股以療親與兄弟友愛樂行善事五舉鄉飲壽至大耋子士元字長卿倜儻好義鼎革時大兵經南翔主帥欲縱兵焚掠士元破產供應一方得以保全子其賢順治十四年舉人

張履素字子旦邑庠生父禔鄉飲賓有文行素履七齡喪母哭踊皆如禮事後母至孝嘗登舟避亂母遺幼子下葦履素排闥負之出適兵至義而去之子雲章別有傳

范國正字伯翼弟國棟字仲隆純六世孫國正好義尙節崇禎末國正被執次子光昭以身蔽父伏地求代不獲父子同時死光昭兄光啟字華先邑諸生當父弟同

被難時亦欲身殉念母在無人侍養而止後痛父弟之  
死于其地建祠字名曰思園祭享哀痛文人咸贈以詩  
蘇州知府陳鵬年序之子雲朔能繼父志好行其德以  
壽考終國楨亦好行義 國朝順治二年羅店亂民假  
鄉兵爲名擅殺人有陸皮橋人至鎮以其面生欲執而  
殺之其人叩顙流血國棟素不相識捐五十金于亂民  
乃得免

徐英甫居東城崇禎末鄰人遭仇家縱火延燒英甫舍  
家人悉奔避英甫以不見母躍入救之與母共斃

沈徵憲侍父宏先寓崑山 國朝順治乙酉兵見宏先  
欲殺之時徵憲離父已數十步急呼而前曰寧殺我兵



遂殺徵憲而免宏先

呂雲孚字石香年十二嗜周秦古書及楊雄太元經文  
師樊紹述孫樵詩師盧仝李賀爲張溥稱許嘗試吳江  
熊開元時爲知縣課論語畏匡章雲奇穴孚挾輿讀者  
幾不辨句讀開元大奇之拔以冠其軍遂爲吳江庠生  
順治二年 大兵至里人多逃死雲孚以母故守舍  
不去死之年三十二門人黃與堅輯其遺稿

蘇澆字眉起性至孝所居與母氏相隔數家風雨夜晦  
必侍母寢始去比曉卽候立無少怠與弟淵友愛爲文  
博大醇雅以古人自期崇禎十七年聞闖寇陷京師卽  
易麻冠草履望北長慟遂積鬱成病尋卒自作靜節居

士傳子樵 國朝康熙十一年貢士

殷登都之孫父開之遇兵登請代父得脫登就死同時有唐愛之孫預字仲孜母遇兵預以身蔽刃與母俱死又有沈鏌邑諸生從父避兵匿叢篠中搜得鏌趣往救并被殺

沈壅字子佩父懷祖邑諸生爲兵所縛壅叩頭乞代并被刃頸已裂僅而不死未幾祖母病劇壅禱于神曰壅父死兵壅代養大母願減已算十年益之祖母竟愈歲餘壅金瘡決遂死年二十四

國朝

闕用礪字季貞苦志力學性尤至孝母嘗病痢侍藥餌

山陰方集少元 卷三十三  
衣不解帶母性好潔滌穢澣衣用礪皆躬親之次姊適  
毛氏冬月單衣操作礪解已綿衣進之子選順治十五  
年進士崑山葉方霽銘其墓

李正義字中宜嘗割股療母疾客蕪湖旅舍得遺金百  
餘三日有浙客倉皇至詢其實還之甲申歲饑民載道  
散給米糧收斂死者遺骸 國初隨征授都司子嘉猷  
字符功康熙十五年成進士枋貢生嘉譽邑諸生嘉猷  
孫肇振字千仞舉鄉飲賓子朝宗亦能文早世

倪珩年十四母目失明舌舐半載而愈順治初父爲亂  
兵所執乞釋不允延頸求代兵感其孝遂得釋雍正元

年 詔旌

侯廷祥字永章廷采弟膂力過人國初游兵過里茶  
毒居民廷祥遇有恃酒行兇者撻之于市其黨不敢滋  
橫子榮字聖約負意氣有節槩孝弟力田從子模字克  
中天性孝友父廷紹病稽顙北辰願以身代潛割左臂  
肉作糜以療之撫兩弟體恤備至增置祭田續修家譜  
子瑞璧字瑩如榮子瑞隆見文學傳

邱道明字爾鑑隆光子生平慷慨好義邑中下區田瘠  
力難輸賦道明具請減額及歲祲捐糜傾資不惜順治  
十八年歲旱捐濬十七都茆門涇陳涇等河人咸德之  
營塋外父母并助塋親戚故人及里中貧乏者

盧天欣字二修順治十八年父廷彥以逋糧被逮天欣

甫冠請代父徃慷慨赴京師明年六月至天津赦還時有秦恪嚴次成陳大宗皆代父就逮得釋

周康侯事親曲盡愛養父病罄其貲爲醫藥費旣而母病醫云若哺以乳可瘥時妻李氏甫免身乃令妻棄其子而乳母後父母沒旣塋移居墓旁朝夕掃除秦昭續賦詩誦之

顧基字振川生平好行善事同曹承祉輩築路修橋捐金不惜人稱長者弟兄早歿竭力養親凡姪輩撫育婚娶一如己子兩舉鄉飲賓知縣劉宏德儒學王彬給匾獎之年九十一卒

謝大綬孝事父母嘗遇兵大綬負父命妻扶母以逃得

免父病割股作糜籲天虔禱知縣隨登雲上其事巡撫  
梁應龍給獎

劉堪字彥章年十五割股療母疾父病下結堪以口噓  
氣導其穢汚病得痊後爲邑諸生其後有侯國士車永  
祚並以童年割股療親永祚後爲廣東乳源守備同時  
又有黃朝鼎亦以割股療親者

沈晉字二裴父潛伏邑諸生初不愛晉而晉甚孝父病  
膈密割股肉爲藥後父將沒嘆曰吾不意汝孝至是事  
母亦能得歡心

黃朝鼎字朝元祖母老病父貧不能具醫藥朝鼎乃割  
股肉作糜食之強健

黃承祐字上枝爲人慷慨任俠而孝于親兵燹時籲天  
返風滅火親柩得保全廣結交能不遺故舊歲荒施賑  
尤多遠近聞風重之以子德輿 誥封明威將軍

朱洪基字爾開邑諸生至性純篤承家養志幼失恃事  
後母如所生尤友愛其弟人稱爲朱閔子子元裕順治  
十八年進士官蒲縣知縣孫文龍康熙十四年舉人歷  
官南陽府同知

毛重少孤祖母徐氏年七十餘病膈重割股作羹進之  
病愈

李兆祥字君發讀書篤行爲嚴衍門人祖某病危兆祥  
默禱割左股以進病立起

瞿守誠字慎所性至孝家貧與妻俞氏餽爲寬裕以悅親心明季歲祲饑困路拾遺金竚還其人 國朝順治九年舉鄉飲賓以長子士睿 覃恩贈文林郎士睿字智先以貢生授廣西岑溪知縣時兵燹初平士睿招集開墾增歲額三之一且糴穀賑飢徭人有負固者多方開諭悉輸稅歸誠

潘潤字雨臣諸生事父母修髓必備厠牖澣濯無不躬親嘗陰行善事以祈親壽父病輒禱于神減齡以益算及歿葬後廬墓三年學政蘇銓旌其廬又學政李蔭崑巡撫李 皆給粟帛尤工文詞順治七年徵修啟禎實錄康熙十二年同修縣志子祖錫字晉蕃先是潤上



楊烈女事于有司請旌建坊之後夜夢楊來卽生祖錫性孝友稍長克家服賈力田時時作報恩計兄祖修讀書應鄉試無不力爲營辦父出赴飲風雨挈僮候門入廁昏黑侍立服勞奉養備至惜早夭遺一子名琳妻沈氏妾徐氏皆守節

秦一驥字閑之父每食必侍側授徒廣福間聞父食不怡卽辭歸兄性嚴事之彌謹從子死于兵有從孫二被掠至松江時松江駐重兵禁令甚嚴一驥出入戒馬中營求四載並得還奸人乘亂占從子田一驥訴官復之從孫返悉以租授焉又從孫女被掠在吳淞竭力贖歸徐元植字閑之五歲而孤兩叔亦幼元植母陸氏並提

攜養于外家使元植與兩叔同起居長同學既成立析產元植讓腴于兩叔而自取其瘠爲諸生有名資修脯以供母母亡哀毀骨立三年不見齒巡按御史交獎之沈仕字長卿太平府學訓導事親孝養親沒廬墓三年有司獎之

倪國柱陸德秀皆糧排順治十四年江寧運軍謀加行月糧僞稱加漕驟派嘉定五年三千有奇百姓騷然莫敢言者國柱與德秀挺身爭之匍匐四千里具揭赴愬京師因得少裁衛弁惡之賕左藩提訊兩人言不移杖而荷校遂殺害之初兩人入都寓趙國鑑家國鑑誼重桑梓協力以求濟卒至傾家邑人稱三義

陸允立字茂椿好善樂施邑令宋爾瑜給匾旌之子廷德字古鄰工詩文尙氣誼有聲鄉校

徐名吳字非聞性和易與人交無忤色子學鄮廩貢生教授弟子多知名者兩舉鄉飲大賓年八十有六學鄮以逋糧呈誤遂習堪輿術

唐之裔字一如事後母孝撫異母弟如已子以解南北運家幾廢不以累弟歲荒賑濟多人至湖州拾遺金百兩俟其人還之故人楊華卒葬之歷舉鄉飲賓固辭壽登耄耋四世一堂孫名芳中康熙二十年武舉

侯旭字始旦邑學生幼孤祖養廉授以詩書年十五值民變力負祖母踰窻出身被鎗卒脫于難同堂弟侄咸

依庇焉構別業遊息其中有益山詩鈔行世

曹震先家貧奉母甘旨嘗不缺母尤愛其女震先曲體親意悉以遺產贈妹而甘自食貧嘗攜家避亂遇賊至棄其子力扶母以脫母病蠱不離左右浣濯垢污皆身任之及歿晝夜哭泣兩目爲矇順治十六年得旌

封之徐字岱瞻事祖及父母能竭其力祖父好義樂施之徐勤苦以佐之父病危薦默禱于天將剖股以進父憤亂中忽自語曰吾非豺狼豈食子肉其世父亦嚴持之不果剖父尋愈

印世臣字上卜諸生父有聲以遊學歿于燕京輿榷歸世臣時甫九齡哀痛如成人事母至孝與兄同居終身

不析產族弟詢簽早世託孤于世臣旁人覬覦之世臣  
不避嫌怨撫之成立及長入學成婚以所授歸之吳淞  
向有養兵之累比戶牧馬世臣請建造營房民得安堵  
順治十六年有漕兌之舉闔邑驚恐世臣奮不顧身上  
顛得免長子輯瑞候選州同克肖父行孫光任別有傳  
封昞字韜若幼喪母事父孝家貧業醫父好遊昞豫蓄  
遊資于藥籠中隨取隨給父嗜酒及美膳必竭力供辦  
里有延診者留飲輒辭但乞一味歸以奉父值大疫父  
病危忽有青袍道人至其家出一草如鳳尾置水中飲  
之立愈順治十七年 詔旌

陸去邪字海存時隆子守家學志操端方而事親尤能

竭力父嘗病蠱醫藥百方無不罄貲營購每戒家人勿令父知藥久不效夜禱于天焚章愷惻旬餘而愈家故寒素自大父以下六柩未厝時隆已思營之無力而止去邪承先志竭蹶經營一一禮葬里人感之多葬其親者居常慎言行戚友貴顯者不屑諂附貧者患難死葬殷殷恤之惜早卒

沈汾陽字希郭割股療親以孝行聞

顧允昌字文紹有善行輕財好施築城西望仙橋鄉民賴之尤喜讀書延名師訓子賓王字登如康熙九年歲貢生

曹元嘏字承祉力行善事年至九十兩舉鄉飲大賓係

錫命康熙二十一年武進士

徐士亮字公采瑄六世孫邑廩生性孝友伯父允壽無子撫之爲嗣旣而有婢生子雍亮撫之倍極肫至資產悉歸于雍兄某早歿亮贍其嫂姪知縣舉鄉飲大賓于匡字漢衡康熙十四年舉人官嶧縣知縣

江鳳來字于梧輕財好義振人之貧惟恐不及康熙四年大饑知縣余敏設賑局鳳來捐資獨主東路建厰集仙宮部署有方四境饑民皆奔赴之

顏聞宗字承三好行善事有喬某者負其財數百金後不能理聞宗呼之焚券慰去崇禎十四年邑大祲聞宗散千餘石減價平糶推官倪長珩重其義遂成文字交

國朝康熙初陸隴其莅任凡邑之大事必諮及焉舉鄉飲賓孫勗邑諸生鑄鎖別有傳同時錢瑜字純甫讀書曉大義嘗買棉花于他處開之中藏銀數百兩攜還主人主人辭不受乃取其半歸以濟貧乏邑中農田水利諸大事有司每虛懷諮訪瑜侃侃直陳無諱言陸隴其舉鄉飲賓力辭不赴子嶰字介邱有文名例貢生任巢縣訓導

高必登字瑞芝母病篤醫藥不效刲股作湯進之尋愈唐正隆字彙公父士元病篤正隆割股肉和藥獲痊時康熙十二年當道歷經給獎

唐永正裁工事親孝父病衣不解帶躬奉湯藥祈天割



股親疾以瘳子士超士起孝順一如其父康熙十五年知縣陸隴其給一門養志額獎之

蕭大緯字綸如性孝友與兄紀甫同居獨持家政毫無私蓄兄亦念弟勤謹分產時盡以祖業授之大緯不獲辭仍同爨知縣陸隴其重之獎額曰風高張仲子璞康熙十七年武舉

唐亮采字惠疇母病瞽晨起跪而舐之歷十六年一夕夢神指園中井謂曰汝欲療母目盍汲洗明日試之母目果豁然清朗又十餘年始歿知縣陸隴其獎曰庸行格天雍正十一年 詔旌

顧士臣以孝聞巡撫巡按及諸道皆給匾獎之巡撫馬

祐又舉報善人列名旌善亭知縣趙昕延請鄉飲賓  
王繼旦字公遜諸生母朱氏性嚴重繼旦委曲順志母  
病三載奉侍湯藥無閒母歿水漿不入口者三日哀號  
幾斃知縣陸隴其申其行巡撫馬祐給匾旌之

顧履正字坦公廩貢生設館授經門下士知名者甚衆  
爲人敦孝弟重信義知縣陸隴其有德振儒林之額馬  
雲會舉爲鄉飲賓

徐載字直寧篤學事父君平母朱氏承顏順志鄉黨咸  
以孝稱父病禱天旋愈母患目時以舌舐母夜夢神賜  
丸吞之及旦目明康熙十六年知縣陸隴其給志在順  
親匾

朱永慶母葛氏孀居永慶事之孝母病幾殆割股以療  
知縣陸隴其旌之會孫棟字隆吉父滋有療疾默禱于  
神求身代疾愈母病篤割股以進母見其裳有血跡問  
之諱不言族黨知之欲呈縣請旌棟却之曰吾豈忍播  
名以傷親心哉

朱廸幼喪父事母楊氏盡孝母病衣不解帶親嘗湯藥  
及歿廬墓居喪哀毀幾滅性迨年老遇祭奠必流涕乾  
隆五年 詔旌

程嘉賓字孔昭原籍徽州遷居西城天性孝友好濟人  
危困康熙十年邑大荒捐米二百石煮粥救饑全活甚  
衆後知縣陸隴其舉鄉飲大賓子遠字上扶中十一年

鄉試又有張濬者亦新安籍字哲森有義行家本富濬  
悉以田產分散宗黨邑遇災荒煮糜救饑多所全活  
黃國士性孝父病篤國士時年十二焚香默禱封股煎  
湯以進及歿家貧喪葬盡禮

甘爾恢字規先雷族子力行善事好施不倦舉鄉飲賓  
子實學孫宗起宗懋皆邑諸生

朱漸儀字羽吉父廷奇爲里豪捶死漸儀訟之官獄久  
不決瘐死者已三人猶以國法未伸爲恨喪麻披髮終  
其身

金潢字來宗康熙二十年舉人六歲孤事母至孝登鄉  
薦後以母老不仕母患盲每日晨起爲母舐目後得復

明外祖死無子以業廢族人無肯繼立者漢爲營置祀田數畝屬其族中賢者主之以奉祭祀葬其三代之喪創立廣仁會糾同志以給饑寒及死無殮者子時學康熙十七年副榜仕儀徵縣教諭

陳無伐字謙服好善精醫事父母孝妻馮氏偶失歡于舅姑立遣之終身不再娶人勸其爲宗嗣計無伐謂吾弟之子卽吾子也晚年棲心內典以其家業悉歸兩弟年六十七卒知縣聞在上旌匾曰孝行可風

張允陳字雲臺性至孝母年八十六允陳年過五十猶戀戀作嬰兒色曾夜拾遺金百兩守而還之與弟允祖字雲巖終身不析產父病時允祖嘗刲股病立起凡邑

中利樊侃侃直陳人皆服其敏練允陳子欽明邑諸生  
允祖子凝祉監生俱有祖父風

孫公普字仲涵父承讚諸生食貧臨終以不克葬親爲  
恨歿後公普竭厯營之并葬兩叔及兄與妻鄒氏事母  
孝養不置母易簀時呼語之曰願汝子孫皆似汝夫婦  
孝敬吾意足矣兄公姓力學早世遺孤濂衣食教諱與  
己子同皆遊庠屢舉上海嘉定二邑鄉飲賓

唐裕功字元夫父戌秦中裕功從父往舟車偶乏必負  
父以行暨聞赦復至戌所奉父歸以勞瘁致疾歿  
夏之瑚康熙二十四年父病將危之瑚剗腹取肝以療  
治之

祝愷字孝瞻補松江府庠生妻不得于母卽遣之鰥居自守以養其親

侯國士祖旭病甚國士時年十六割股肉和參同煎飲之得痊

陸樹德父兄爲族人牽連戍寧古塔而死樹德崎嶇數千里求父兄骸骨徒步行乞負以歸葬

張以高字惠仁母病割左股以療父病復割右股病亦愈

江愷字元叔父年老有羸疾奉侍湯藥目不交睫及病篤禱天割股和藥以進得延數日家人不知也父歿哀毀苦出閒冒寒創發以歿知府陳鵬年給孝行可風額

戴亮字采臣年十三補蘇州府諸生性篤孝客遊江右  
聞母計兼程而返徒跣入門撫棺慟絕朝夕上膳必涕  
泣不輟康熙五十三年客京師適 詔大臣薦舉邊材  
海寧吏部侍郎陳鼐永欲以亮名上力辭不就

尹聘字商衡登康熙五十六年鄉榜爲文操筆立就未  
嘗屬稿兩次封股愈親疾里人重其文行爭延致之  
錢昇字雲表邑諸生幼孤母徐氏守節撫之昇事母盡  
孝勵志讀書至老丹黃不輟

鍾杰字岳英諸生家貧力學言笑不苟父死于楚匍匐  
奔喪母病篤虔禱益壽訓養幼弟友愛備至

張諫言順親孝養母年五十九病危百藥不效諫言祈



神割股以進母病獲痊壽至八十三歲鄉里咸稱孝感  
李維煌字裕光年十歲父巖士病劇卽徹夜服侍呼天  
泣禱父卒哀毀欲絕三載不離柩側母詹氏患病時年  
十四卽躬操家務營葬其父弟維烜出繼厚分已產與  
之旣而患疾囑其子圻孝事祖母而歿餘無他言

王樹聲字子實幼孤事母盡孝母病割左乳旁肉療之  
及歿廬墓三年

李時珍字育全治賈起家立名砥行壽臻耄耋邑令舉  
鄉飲賓

浦同倫字開之母病割股雜藥以進撫嫁二妹皆獲  
世皆黽勉稱禮年八十五歿知府陳鵬年給匾獎之

俞堂少時父命侍祖寢祖年已耄堂左右扶持曲盡孝敬父早歿堂給事縣庭竭力養母母歿堂年已六十居苦古盡禮

莊一鶴字鳴九監生母病刺臂血爲文額天得愈又十年始歿事父終身養志

王瑚字禹美樂善好義所居江灣之蒲溪不通大河時虞旱潦瑚捐金買田疏鑿得資灌溉一方賴之年八十有一給八品頂帶

沈世茂字祥明輔之裔孫父病割股雜糜進食之尋愈伯叔並無後爲營殯葬年至八十餘歿

康紀農家子日不知書少孤赤貧事其兄盡禮推逸就

勞兄老傭力以養及歿竭力殯葬歲時祭父母及兄必慟哭終日

朱顯侯農家子五歲而孤母陳氏守節顯侯出必告反必面母患痞購醫藥親嘗乃進衣不解帶者累月既歿三年不飲酒茹葷旦夕至墓跪哭雖風雨無閒

張鑒字國祥家貧僅有田四分傭工度日性仁慈多善行雍正八年秋海溢民多淹斃漂入蒲華者鑒以四分田掩埋之計二十餘口年八十餘知縣江之煒獎之許振鵬字雲逵縣學生振鳳之弟事親孝母病侍湯藥衣不解帶病篤夜半焚香籲天割股作羹以進病尋愈後以授徒楓橋歿于蘇州

王申字方翰崑山知州安貞之後祖遷嘉定性仁厚有孝行五歲喪祖母卽哀踊若成人少長父罹非罪繫獄請以身代得免弱冠以祖籍爲長洲學生雍正九年赴河南御史高某之聘旋念親老歸母張氏性急少不悅必跪而請責父病篤刲股以進病尋愈常鸞妻衣服簪珥以奉親妻亦無怨言也凡先世在崑山祠墓及入名宦鄉賢節孝祠者皆具呈學政修而祀之

裘珍字重儒邑學生事繼母如所生與弟瑞甲敦友愛佐其師張詩註屈子貫師歿心喪三年并葬其五喪友人吳鳳池病革代理後事邑中貞孝節烈旌獎未祀乾隆十一年呈縣詳請入祀生平力學耄而弗倦年八十

有八卒有詩稿林大中選入練雅瑞甲字匡侯亦邑學生幼喪母哀毀如成人事故父益誠篤父得奇疾醫治不痊焚香禱北斗嚙左臂肉以進瘡合病亦愈父歿著有思親吟一卷

陳大用字允升父良顯有善行知縣李士甄以樂善好施額獎之父歿時允升年十八母病十三年侍湯藥弗離左右及篤刲股以進又嘗隨力濟困聞鄰人負租將鬻女借以贖女得不鬻養一族姊一族嫂俱終其年葬而後已

陳德釗字方南世以織屨爲業喜讀書能詩文里中延爲童蒙師家貧奉母就館甘旨無缺冬寒嘗以身溫被

待母就寢交遊咸以孝稱屢困童子試及補博士弟子年已七十外矣

金惟騤字叔良入貲授甘肅西寧經歷尋丁外艱歸喪葬盡禮葺祠廟聯族譜濟困扶危歸田二十餘年里中欽其行誼以子以塾官兵部主事累贈奉直大夫

瞿連璧字璞存入貲候選州同知性耿介治家接物皆中法度手定宗譜條例井然訓子孫嚴而有法晚歲多儲方藥嘗舉古人善言不離口善藥不離手之語爲戚黨誦之徙居蘇州卒以子兆騤候選知府晉封朝議大夫

韓照監生以子鳴佩官河工贈登仕郎性孝母患膈

症垂危照割臂煎湯進病立愈卒年六十八

寶山縣

國朝

陸際恒字方來邑庠生廷德孫品行端方兩江總督黃廷桂舉善行獎其門

張維正字以寧親病割股救之壽逾七年卒同時李燭字調玉葉士本字葆初何均字廷侯侯瑞踪字象九時鎮字寧遠李依永字大千並以謹言修行見推里中又有姚秉仁字德修質行亦足多者

徐復顯載之從孫雍正十年海潮災復顯設廠施粥活人無算邑令傅景奕獎以匾額曰義著一方弟公璧值

乾隆二十年大祲破家貲濟鄰里兄公獻亡公壁撫孤姪如已出

黃葵倫字徽典父正儒任湖北安陸府經歷年六十三庚革葵倫破指出血爲文禱于城隍願損已壽之三以益父尋愈歸里門正儒年六十六而終葵倫亦年六十劉立正字位參允亮子工詩文精楷法幼時偶觸父怒杖逐之冠墮地卽俯拾抱父膝而哭人皆異之躬耕色養鄉里化其仁厚所著有新齋集二卷

陸汝恭字景虞邑諸生篤于孝友慷慨好義年二十餘謝去舉業代父司家事兄弟四人友愛無間不析產者四十餘年教子弟先獎勵而後裁抑之叔淇右父子早



世撫其遺孤請旌兩世節如制祖父建祠宇置祭田餘則割以贍族汝恭承先志偕其姪芳槐復益之又割宅爲慕義書莊卹貧濟急平糶煮賑舉鄉飲賓仲弟汝寬字盡宣監生素履淳篤先汝恭而卒少詹事錢大昕志其墓芳槐別有傳

奚士本字秀林七歲喪父擗踊哭泣如成人年逾三十始娶婦沈氏事姑能盡禮嘗奉母之上海就醫歸渡黃歇浦中流風浪作母子俱溺士本抱母泣曰幸全我母俄足下有物負行竟達北岸以出母嘗感寒病已亦病每夜焚香籲天願減已算以益母歷一載病未瘥聞人言武康銅井山中有異僧療疾如神卽徒步往求得藥

歸母病立愈兄弟四人相友愛弟歿而孤姪貧悉以遺  
產讓之母卒士本年近六十盡心盡禮邑令胡浦蒼給  
匾曰純孝可風復以母守節呈請旌表浦蒼謂母節當  
旌子孝亦不可沒給匾曰節孝一門乾隆十七年 詔  
旌建坊于鎮子緝營字聖輝勿入塾師講論語至父母  
之年不可不知輒綬綬淚下師太奇之曰非是父不生  
是子成童時母遭疾醫云難治潛割臂肉以進母果瘳  
授室後母病革夜偕其妻向北斗稽顙乞減歲以代母  
既沒常宿父所兩弟早歿撫遺孤如已子女兄嫁某氏  
赤貧同堂妹嫁某氏早寡皆分宅居之而婚嫁其子女  
人稱其克承父志

黃上林字聖遊邑庠生其先浙餘姚人爲明尊素謚忠  
端後裔上林自幼以孝聞父館于外祖母施氏母吳氏  
甘旨無缺嗜學工古文詞著晚香集尤好義舉勸捐煮  
賑倡首樂輸及廣仁育嬰諸善事學政李因培給蓼莪  
幾廢額以旌之